



# ТОШКЕНТ ХАВЖИКАТИ

РУЗНОМА 1928 ИЛИ 11 ДЕКАБРДАН ЧИКА БОШЛАГАН

ЎЗБЕКИСТОН КОММУНИСТИК ПАРТИЯСИ ТОШКЕНТ ВИЛОЯТ ҚЎМИТАСИ,  
ХАЛҚ ДЕПУТАТЛАРИ ТОШКЕНТ ВИЛОЯТ КЕНГАШИНИНГ БОШ НАШРИ

• 1991 йил 20 июль • шанба •  
№ 139 (10.135). Баҳоси 10 тийин.

## Тошкент вилоят партия комитети пленуми тўғрисида АХБОРОТ

19 июль куни Ўзбекистон Компартияси Тошкент вилоят комитетининг V пленуми бўлди.

Пленум ташкилий масалани кўриб чиқди.

Ўртоқ С. М. Мамарасулов Ўзбекистон Компартияси Марказий Назорат комиссиясининг раиси этиб сайланганлиги муносабати билан пленум уни вилоят партия комитетининг бюро аъзоси ва биринчи котиби вазифаларидан озод қилди.

Тошкент вилоят ижроия комитетининг раиси, халқ депутатлари вилоят Кенгаши раисининг биринчи ўринбосари

бўлиб ишлаётган ўртоқ С. Д. Сайдалиев яширин овоз бериш натижасида Тошкент вилоят партия комитетининг биринчи котиби қилиб сайланди.

Пленум вилоят ижроия комитети раисининг биринчи ўринбосари вазифасини бажараётган Т. М. Мирёкубовни ва Бекобод шаҳар партия комитетининг биринчи котиби Э. М. Рўзиевни вилоят партия комитети бюроси аъзолари қилиб сайлади.

Пленум «Ўзбекистон Компартиясининг ижтимоий-иқтисодий сиёсатини амалга ошириш бўйича Тошкент вилоят партия

комитетининг ҳисоботи» юзасидан Ўзбекистон Компартияси Марказий Комитетининг 1991 йил 29 апрелдаги қарори қандай бажарилаётганлиги тўғрисида»ги ахборотни тинглади. Бу ҳақда вилоят партия комитетининг котиби ўртоқ В. Г. Гордиенко ахборот билан чиқди.

Пленумда Ўзбекистон Компартияси Марказий Комитетининг иккинчи котиби А. С. Ефимов сўзга чиқди.

СССР  
ПРЕЗИДЕНТИНИНГ  
САНОАТИ  
РИВОЖЛАНГАН  
МАМЛАКАТЛАР  
РАЎБАРЛАРИ БИЛАН  
УЧРАШУВЛАРИ  
ТУГАЛЛАНДИ

ЛОНДОН, 18 июль. [ТАСС махсус мухбирлари]. СССР Президенти М. Горбачев Италия Вазирлар Кенгаши раиси Жулио Андреотти ва Канада Бош вазири Брайа Малруни билан учрашди. Шу билан у сановати ривожланган мамлакатлар раҳбарлари билан учрашувлари туркумини бугун ниҳоясига етказди.

Бу ерда кенг тарқалган фикрларга қараганда, унинг «катта еттилик» мамлакатлари давлат ва ҳукумат бошлиқлари билан музокаралари гоёт самарали бўлди. Стратегик ҳужум курашларини қисқартириш тўғрисидаги шартномани имзолашга тайёрлаш чоғида вужудга келган сўнгги Совет-Америка келишмовчиликлари баргараф этилган. Июль ойининг охири ёки август ойининг бошларида АҚШ Президенти Жорж Буш СССРга келиши маълум бўлди. Совет раҳбарининг сановати ривожланган мамлакатлар раҳбарлари билан бўлиб ўтган учрашувлардан кейин журналистлар билан учрашув чоғида Буюк Британия Бош вазири Жон Мейжор «катта еттилик» Совет Иттифоқи билан иқтисодий ҳамкорликни ривожлантиришни фавқулоддир ҳақида қарор қабул қилганлигини эълон қилди. Бу ерда билдирилган фикрларга қараганда Британия ҳукумати бошлиғи тақдир этган Ғарб давлатларининг олти тақлифдан иборат мажмуи иқтисодийда катта ўзгаришлар қилишда СССРга жиддий ёрдам кўрсатиши керак.

### Тошкент вилоят партия комитетининг биринчи котиби Сайфулла Давирович САЙДАЛИЕВ

1934 йил деҳқон оиласида туғилган, ўзбек, 1958 йилдан КПСС аъзоси, олий маълумотли, Низомий номидаги Тошкент Давлат педагогика олийгоҳининг, Олмаота олий партия мактабининг, Тошкент қишлоқ хўжалиги олийгоҳини тугатган, ўқитувчи мутахассислигига эга, агроном-олим.

Меҳнат фаолиятини 1953 йили Ўстонлиқ районидан ўрта мактабда ўқитувчиликдан бошлаган, кейин турт



йил давомида комсомолда ишлаган. 1965 йили партия мактабининг тугатувчи, Янгиўл район партия комитетининг котиби қилиб сайланган. Қарийб 25 йилдан буён раҳбар партия ва совет ишларида. Пискент ва Оржоникидзе район партия комитетларининг биринчи котиби, 1986 йили Тошкент вилоят партия комитетининг котиби қилиб сайланган. 1990 йилдан халқ депутатлари Тошкент вилоят Кенгаши ижроия ко-

митетининг раиси, халқ депутатлари вилоят Кенгаши раисининг биринчи ўринбосари бўлиб ишлади. Ўзбекистон ССР халқ депутати, Ўзбекистон ССР Олий Кенгашининг қонунчилик, қонунийлик ва ҳуқуқтартибот масалалари доимий комиссиясининг аъзоси, Ўзбекистон Компартияси Марказий Комитети аъзоси. Иккита Меҳнат Қизил Байроқ ордени, иккита медаль билан мукофотланган.

#### ОҲАНГАРОН РАЙОНИДА

### «ҒАЛЛАҚУДУҚ»НИНГ УЛКАН САВДО МАРКАЗИ

СўНГГИ пайтларда «Ғаллақудуқ»да Оҳангароннинг бача хўжалиқларига нисбатан анча катта қурлиш ишлари бунёд этилди. Бундан атиги бир йил муқаддам бу ерда ёшлар кафеси, янги чойхона, гулчилик иссиқхонаси, болалар боғчаси ва бошқа маданий-مائий муассасалар учун янги бинолар қурилиб, фойдаланишга топширилган эди. Қуни кеча хўжалик кўрсонида катта савдо маркази ҳам иш бошлади.

Савдо марказида тўланган ва сотишга мўлжалланган товар ва озиқ-овқат маҳсулотларининг умумий нархи бир ярим миллион сўмдан ортади. Бу райондаги Сусам ва Телов қишлоқ матлубот жамиятларига қарашли барча дўконлардаги товарлар қий-

матида янги баробар кўп демакдир. Савдо марказининг олти бўлимида мотоцикллардан тортиб, кир ювадиган машинагача, совутичлардан тортиб унаэликкача, аёллар ва болалар кийимларидан озиқ-овқатларнинг йиғирма бир тури савдога чиқарилди. Фақат палос, мотоцикллар, уй гарнитурлари ва совутичларгина талон билан сотилгани инобатга олинмас, қолган молларнинг ҳаммаси очiq савдога қўйилди.

— Савдо марказининг очилиши айни муддао бўлди, — дейди совхоз хотин-қизлар Кенгашининг раиси Парахат Булғонбоева. — Қишлоқимиз аёллари арзимаган нарсалар учун ҳам 15—20 километрлаб йўл юриб, район марка-

зига қатнашарди, энди эси ҳаммасини бу ердан харид қилишимиз мумкин.

— Савдо марказида бугун расталарни нўмалар беэаб турган бўлса, бу удум мутлақо бузилмайди, товарлар сотишда узилли бўлмайди, — дейди «Дўстлик» қишлоқ матлубот жамиятининг раиси Э. Эгамбердиев. — Биз Урта Осиё жумҳуриятларидаги ўн олти корхоналар билан қатъий шартномалар тузганимиз. Жумладан, Қозоғистоннинг Чимкент вилоятидан муттасил равишда гўшт ва гўшт маҳсулотлари олиб турамыз, Олмаота шаҳри бизга узлуксиз қандшанар жўнатиб туради. Бошқа маҳсулотлар ҳам қардош жумҳурият ва вилоятлардан келтирилади. М. ҚАЮМОВ.

### ИККИ ТОМОНЛАМА МАНФААТ КЎРИЛМОҚДА

МЕҲНАТНИ ташиқил этишининг ижара пудратига ўтилганлиги «Ангрен» совхози меҳнаткашларига қўл келмоқда. Ҳалол меҳнат қилиб фойда кўришни ният қилган онлавий звено аъзоларининг даромади йилдан-йилга ортиб борапти. Ишнинг кўзини билган Муҳиддин Жамолов, Эркин Мавлонов, Жумабой Раҳмонов, Олма Муродова ва Мавлуда Саржабевалар ўз меҳнатларининг самарасини кўрдилар. Енгил машина сотиб олдилар. Ижара пудрати усули совхоз иқтисодий-

тини мустаҳкамлашга ҳам хизмат қилмоқда. Маблиларнинг маълум қисми қишлоқларни обод қилишга сарфланяпти. Облиқ, Соғлом, Қорабоғ, Гулбоғ, Самарқуқ каби қишлоқларнинг йўллари асфальтланди. Қувурлар ётқизиляиб, аҳоли тоза ичимлик суви билан таъминланди. Одамлар истиқомат қиладиган эски уйлар ўрнини пишиқ гиштли кўримли уй-жойлар эгалламоқда.

У. ЖУРАЕВ.












• Гул чехралар



Сураткаш: Фазлиддин Абдурасул АЪЗАМ ўғли.

## ДОНОЛАР ДЕЙДИЛАР...

Золиму одил бир эрмас мамлакат шудгориди,  
Бил, қобон бир бошқа-ю ҳам қўнчи дехқон бошқадир.  
Алишер НАВОЙИ.

Мол-амал агарчи жонга яқинроқ,  
Сўз камоли ундан минг бор яхшироқ,  
Барчаси жаҳондан йўдолажақдир,  
Дунё турғунича сўз қолажақдир...  
Абдурахмон ЖОМИИ.

Ҳаётда қайралиб, зилган киши,  
Устодликка лойиқ: билим ҳар иши.  
Абулқосим ФИРДАВСИИ.

Келиб ранжу машаққат чек, қидирма асти осон иш,  
Машаққат чекмас эрсанг, бўлмағай дунё иши ҳеч соз.  
Масъуд Саъд САЛМОН.

Ким машаққат чекди — тоғди газна ҳам,  
Ким тиришқоқ бўлди — кўп тоғди карам.  
Жалолиддин РУМИИ.

Одам ҳеч тобланмас қилмаса сафар,  
Тиришмаган киши топмайди зафар.  
Рукиддин АВҲАДИИ.

Инсон билмас қаримай ҳаётин хатарини,  
Қўш билмайди ҳоримай қанотин хатарини.  
Қиссий МАРВАЗИИ.

Парилардек покдир яхши табиат,  
Эмон хулқ, дев каби барчага офат.  
Асадий ТУСИИ.

Шеру йўлбарс билан олишганда ҳам,  
Сақлангил фақирнинг ўқидан ҳар дам.  
Абулфазл БАЙҲАҚИИ.

Тупловчи: Муҳайё ШАРИФЖОН қизи.

## ЁЗ — ЎТМОҚДА СОЗ

■ ТОШКЕНТ районидаги Қасанбой қишлоғининг хушманзара ерига жойлашган «Ёшлик» кашшофлар оромгоҳида юзлаб ёшлар ҳордиқ чиқармоқдалар.

Бу ерда ёшларнинг мароқли дам олишлари учун барча шароитлар мавжуд. Оромгоҳни район спорт жамоалари оталиққа олганлар. Улар бошчилигида оромгоҳда турли спорт мусобақалари ўтказилмоқда. Шахмат, шашка, футбол, теннис бўйича беллашувлар бўлиб ўтмоқда.

Яқинда уюштирилган «Балли, йигитлар!» ва «Балли, қизлар!» танловлари ҳам жуда қизиқарли ўтди. Ёшлар бўш вақтларида қишлоқ аҳолисига мева-сабзавотларни йиғиб-териб олишда ҳам ёрдам бермоқдалар. Оромгоҳга «Юпитер» ширкати ибратли ёрдам кўрсатаяпти.

С. СУЛТОНОВ.

## ТАБИАТНИНГ ЎЗИ ТАБИБ

«БИЗ «Тошкент ҳақиқати» рўзномасининг шанба сонларини орзиқиб кутардик. Чунки ўша кун чоп этиладиган «Табиатнинг ўзи табиб» руқни остидаги материаллар бизни жуда қизиқтирарди. Нега бу руқ бир ойдан буён кўринмай қолди. Унинг чоп этилиши тўхтайдими?»

... Тахририятга келган бир неча мактуб ва телефон орқали сўровларда ҳам шундай саволлар берилди. Жавоб шундай: йўқ, бу руқни остида материаллар бериш тўхтагани йўқ. Ҳозир таътил ойлари бўлгани боис бир ойгина узилиш бўлди, холос. Мактублар, сўровлар учун ташаккур айтаемиз. «Табиатнинг ўзи табиб» руқни остида материаллар беришни давом эттирамиз.

— Ҳўш, бугунги суҳбатимизни қайси мавзуга бағишлаймиз, — деб сўрадик дорихуно Мирсобит Ёқубовдан.

— Долзарб мавзулар кўп. Ҳозир кўпчиликни мевалар, ёввойи ва маданий экинлар ҳақидаги маълумотлар қизиқтиради.

— Масалан...

— Масалан, ўрик, маккажўхори...

— Тўғри айтдингиз, Мирсобитжон. Ҳозир ўриқнинг байни фарқ пишган пайти. Унинг турлари, ҳосиятлари ҳақида гаплашсак.

— Бажонудил. Ўрик Урта Осиёда қадимдан машҳур мевадир. У ҳам таом, ҳам доривор озук сифатида ишлатиб келинади. Унинг таркибида қанд, органик кислоталар — олма, узум, лимон кислоталари, крахмал, пектин, қатор ошловчи мод-

— Турлари кўп. Жумхуриятимизда 180 га яқин ўриқнинг хилларини учратиш мумкин. Кўрсодик, Аҳрорий, Исфарак, Навоий, Мирсанжали, Хурмойи, Руҳи жувнон, Субҳоний, Арзамий каби навлари кўп тарқалган.

— Раҳмат. Иккинчи мавзуниз маккажўхори бўлса...

— Яхши. Маккажўхорининг ватани Жанубий Америка ҳисобланади. XV—XVI асрларда Оврупо ва Урта Осиёда тарқалган. У ҳамиша озик-овқат сифатида эъзозлаб келинган. Унинг дони, уни, попуғи, ёш поясининг сувни киши бадани учун го-ят фойдалидир.

— Нега?

— Чунки, маккажўхори дони таркибида крахмал, ёғ, пентозан, зеаксантин, зеакеротин, кварцетин, изокварцетин, фловон сингари моддалар, В1, В2, В6 витаминлари, никотин ва пантотен кислоталари ва бошқа жуда кўпгина ҳазми осон, шифобахш озуклар бор. Маккажўхори холестеринини йўқотади, буйрак усти безларининг ишнри яхшилайди. Унинг таркибидаги моддалар қонда гемоглобинни мутаносиблаштиради, одамнинг кўриш қобилиятини ўткирлаштиради. Айниқса, маккажўхорини думбул пайтида қайнатиб истеъмол қилиш ижобий таъсир этади.

УРИК



далар, темир, мис, кальций, магний унсурлари мавжудлиги сабабли гоьтада шифобахш неъмат таркибига киреди. Ўрик мағзи жисмида ўзига хос нодир мой борлиги туйғайли ҳам у табобат сановатида кўп ишлатилади.

— Унинг дориворлиги нимада?

— Абу Али ибн Сино сингари буюк табиблар ўриқка алоҳида эътибор қилганлар. У ўрик меваси ҳамда танас ажратадиган елимдан ошқозон-ичак фаолиятини бир маромга келтиришда кенг фойдаланган. Юрак оғриганда, ҳафақон касаллигини даволанда ўриқнинг олдиға тушадиган мева камдан-кам топилади. Ҳафақонда ўрик мағзидан чой сифатида дамлаб ичиш тавсия этилади. Нафас йўллариининг яллиғлинишида, кўкйўталда ҳам ўрик мағзи катта наф келтиради. Унинг мевалари камқонликда ҳам даво ҳисобланади. Ўрик юрак-қон томир хасталиклариди, айниқса, беқиёсдир. Юрак фаолияти суст, қон томир дардлари бор кишилар кишин-ёзин уни уйдан узмасликлари керак. — Унинг қандай турлари бор?

МАККАЖЎХОРИ



— Яна қандай хусусиятлари бор?

— Маккажўхори попуғидан тайёрланган дамлама қон босимини пасайтиради, холестерин, гепатит сингари жигар хасталиклариди ўта нафлидир. Истисқо, ўт ва буйрак касалликлариди, қовиқда тош пайдо бўлганида ҳам мазкур дамлама тавсия этилади. Қайнатма шундай тайёрланади: 2—4 ош қошиқ попуқ уни олинади, 1,5 стакан қайноқ суьада 30 дақиқа қайнатилади. Бу шарбат 1—3 қошиқдан ҳар уч-тўрт соьтада бир марта ичилади.

— Раҳмат, яна кўришгунча!.

Субҳатдош Р. УМАРОВ.

Муҳаррир  
Н. НАСИМОВ.

## ЯРМИ ҲАЗИЛ...



— Бунча қиммат, биродар!  
— Бизга ҳам текинга беришмайди.

— Атиғи биттагина олдингми, хотин!  
— Нима қилай, «тилла баллиқ» баҳосида бўлса.  
Рисмлар муаллифи Ш. СУБХОНОВ.

## ТОШКЕНТ ДАВЛАТ ЦИРКИДА

(Хадра майдони)

27 ИЮЛДАН ВОШЛАБ

## МАВСУМ ОЧИЛАДИ

СОВЕТ ЦИРКИНИНГ ЕТАКЧИ УСТАЛАРИ ИШТИРОКИДА  
2 БУЛИМДАН ИБОРАТ

## КАТТА РАНГ БАРАНГ ДАСТУР

Цирк санъатининг барча жанрлари намойиш қилинади.

ТОМОШАЛАР:

27 июлда соат 13.00 да (билетлар сотилган),  
28 июлда соат 12.00 ва 15.00 да бошланади.  
Сўнгра томошалар оддий иш кунларида соат 19.00 да, шанба кунлари соат 16.00 ва 19.00 да, якшанба кунлари соат 12.00, 15.00, 18.00 да бошланади.  
Олдиндан чипталар сотиш йўлга қўйилган.  
Касса соат 9.00 дан 19.00 гача ишлайди.